



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

19. Quædam consuetudines contra ius commune inductæ discutiuntur.

urn:nbn:de:hbz:466:1-14077

genas, & incolas? **Respondeo**, Consuetudinibus populi, vel ciuitatis externos non teneri. Ita omnes Ciuitatis, & Canonici iuris Doctores. Hoc autem intelligi debet eo modo, quo supra à nobis dictum est, externos esse liberos, & immunes à statutis, videlicet in hunc modum: Viatores ac exteriores facientes non tenentur consuetudinibus receptis in locis, per quae transirent, vel in que venirent animo, & voluntate recedendi, non ibi commorandi. At verò ratione contractus, vel domiciliis, vel rei in loco sitæ, aut ratione delicti commissi, externi conueniri, ac iudicari possunt iuxta speciales receptas in loco consuetudines; cum tamen aliqui coram Iudice originis, aut domiciliis conueniri deberent. **Hinc** perspicitur quid sit in multis, de quibus dubitari solet, dicendum. Hispani, Galli, Poloni, & Germani veniunt in Italiam, contra Itali aliò extra Italianam se conferunt: singuli quamdiu extra patriam alibi commorantur, vel aliò se recipiunt voluntate cōmōrandi in eo loco, cōmententur consuetudinibus, in eo loco receptis, quales sunt ieiunii, abstinentiae, diei festi colendi, & aliae similes, & liberi sunt à consuetudinibꝫ in patria visitatis. At si extra patriam aliò se conferant non voluntate commorandi in eo loco, sed statim recedendi, vel illuc transirendi, non ligantur consuetudinibus in eo loco receptis, quoniam nō in eo loco commorantur, aut domicilium posuerunt. Hispani igitur vel terre freier facientes per Galliam, vel nauigantes, & ad Gallorum portus nauigantes appulsi non tenentur moribus receptis in Gallia. Carterum Graeci, & orientales clericis, vel laici, quamvis inter Latinos commorantur, aut contra Latini inter Gregos, patris mores obseruant, eo quod Ecclesia id permittit, non cogantur nouos mores addiscere, & veteres depondere, quod esset durum, & difficile, cum sint plurimum diuersi. **Glossa** in c. illa d. 12. rebus. **veneris.** &c. que cōtra d. 8. docet, viatores, cum in aliquem locum veniunt, teneri consuetudinibus in illo loco receptis, si ibi sint moraturi: fatus verò si consuetudo sint ex eo loco recessi. **Ambrosius.** in c. illa d. 12. sic ait: tu ad quacunque foris Ecclesiam veneris, eius morem serua, si cuiquam non vis esse scandala, nec quemquam ibi, & Augustinus. in c. que contra d. 8. dicit, pacatum gentis, aut ciuitatis consuetudine, aut regnum nullum cuius, aut peregrini libidine violenter. Sicille. Viatores igitur consuetum profecturi, transituri, recessi rurbe non tenentur consuetudinibus receptis in loco, per quem trahuntur, vel ad quem veniunt. Possunt tamen, & debent eas consuetudines feruare, ne alij causam præbeant confessionis.

Decimoquarto queritur, An consuetudo liget subditos, qui extra territorium perpetrare faciunt. **Respondeo**, Minime: idem enim iuris est de consuetudinibus, quod de statutis: at statuta subditos, qui extra territorium delinquent, non tenent. est enim in cap. Vt animarum §. 2. De constitutionibus in c. constitutum, ne Episcopus excommunicationis peccatum irroget omnibus furum committentibus, statuto comprehendantur subditi furum extra Episcopi territorium perpetrantes.

Decimoquinto queritur, An consuetudo possit uno tam in actu generari. Hanc quæstionem superius ex parte tractauit breuiter dicendum,

Quosdam putasse, posse: Contra alij id communis consensu refutant, eo quod cum ipsa consuetudinis notione, & significacione pugnare videatur. Est enim consuetudo ex pluribus similibus actibus comparata, hoc est, ex actu diuersis temporibus saepius repetito, cum quippiam à paucis quibusdam factitatum, multi postea sequunt, imitatiq; sunt. **Dicendum** igitur existimo, si propriè de consuetudine loquimur, eam non nisi multis actibus induci posse: at verò ex uno tantum actu potissimum insigni incipit consuetud. gigni, & introduci, quia eum actum ceteri imitantur, & sequuntur. Item, ex uno actu, eumq; populo, aut eius maiori parte sciente, & tolerante, aliquando quidpiam in consuetudinem venit, quia populus id sciens expressum, vel tacite vult, ut pro consuetudine habeatur; atque hoc, opinor, auctores contrariae opinionis voluisse: sed propriè ea consuetudo non est, sed tacitus quidam populi consensus, quo alius iure possit illud idē efficere. de hac quæstione latè agit Rochus in suo tratta. de consuetud. §. Glos. fin. in 7. requisit. Si quāras quo actus repetiti necessarij sint, ut dicatur frequentia actuum. **Respondet** Rochus, esse aliquorum sententiam, quos ibi refert, id relinqui iudicis, vel boni viri arbitrio. Alios verò sentire, tot actus requiri, ut probabiliter credamus, eos in notitiam populi venisse, ipse verò ex Glossis, & alijs multis docet, sufficere tres actus, quia quod ter fit, in iure dicitur fieri frequenter, & tres dicuntur plurimi, vel plures, immo etiam latissime esse, si quid bis fiat, quia quod fit bis, etiam in iure dicitur sapere fieri.

Decimo sexto queritur, Quid discimini sit inter consuetudinem, & præscriptionem? **Respondeo** Sylvi. consuetudo. q. 22. ex Abbatie, Baldo, & alijs in c. vlt. de consuetud. haec duo in multis différre. **Præscriptione** enim primo consistit in rebus immobilibus, tum corporalibus, tum incorporalibus; at verò consuetudo solum locū habet in incorporalibus, ut in servitutibus, iurisdictionibus, electionibus, & alijs eiusmodi. **Secundō**, præscriptione acquiritur ius priuatae personæ; at verò consuetudine non acquiritur ius priuatae personæ; item consuetudine nō acquiritur ius magis vni, quam alteri, sed toti reipublice, & cōmunitati. **Tertiō**, præscriptio dat ius vni contra ius, quod alter habet, at vero conseruando dat ius contra legem, vel prater, aut secundum legem. **Postremo**, ad præscriptionem requiritur titulus, & bona fides; at verò in consuetudine sufficit certus cuiusdam temporis lapsus, nō titulus; & ideo verum est id, quod supra explicimus, consuetudinē non propriè præscripta, sed quasi præscriptam vocari, quia certi temporis spatio exacte consuetudo locum, & vim habet; ita ut iuris, ac legis potestatem acquirat, & comparet: & tunc in iure canonico præscripta dicuntur, in iure ciuiili diuurna, longa, tenaciter obseruata, ut ante iam dixi.

Cap. XIX.

Quædam consuetudines contra ius commune inducere discutiuntur.

Quoniam supra tradidimus, consuetudinem aliquando esse contra ius, aliquando præter, vel secundum ius; præsenti capite quædam

pauca dicemus de ijs consuetudinibus, quæ contra ius inducuntur.

Animaduertendum est consuetudinem, aut in faciendo, aut in non faciendo confistere. In faciendo, veluti consuetudo, qua parentes filii impuberibus testamento faciunt, *i. Moribus ff. de vulgaris, & pupillari substitutione.* Item, ut prodigiis, qui agnatis carent, bonis suis interdicatur. *i. i. ff. de curatoriis, furioso, vel alij extra minores, dandis.* Ut tutor detur mulieri pupilloue, qui cum tutore suo litigare vult: ut arrogatus omnia bona sua faciat arrogantis. In non faciendo vero consuetudo consistit, nimirum, ut mulieres, & serui ciuilibus officijs non fungantur. *i. Cum prior ff. de iudicij.* Ut cognatas quasdam ducere in matrimonium non licet. *i. Sorori ff. de ritu nuptiarum.* Ut mariti, & vxores nihil sibi inuicem donent. *i. i. ff. de donationibus inter virum, & uxorem.* Ut qui non propriam, sed alienam iurisdictionem habet, eam alteri non mandet. *i. More maiorum ff. de Iurisdictione.*

His annotatis, in primis consuetudo qua Episcopus, vel patronus, portioni presbyteris Parochis congruenti, & debitæ aliquid detrahit, condemnatur, *cap. Extrinseca de Preben.* quæ iure tollitur, quoniam iure naturali, & diuino, Ecclesiarum ministri commoda alimenta debentur: nam dignus est operarius mercede sua.

Consuetudo turpis contra honestatem inducta corruptela vocatur, & propterea extirpanda est, *cap. Cum decorum, de vita, & honestate Clericorum;* qualis est consuetudo, qua Ludos lascivos in templis, aut in diebus festis, scenicæ personæ, vt mimæ, & histrioines faciunt, aut qua sententia Iudicium veniales sunt.

Consuetudo, qua Ludos voluptuosos Clerici committunt, corruptela dicitur, & abrogatur, *ca. Inter dilectorum, de Excess. Praelavorum.*

Coniugando, quæ Ecclesijs grauis est, nimirum quia est incommode, vel oneri, vel damno, debet auctoritate, & officio Iudicis tolli, *cap. i. de consuetudine.* Hoc intelligitur, nisi fuerit legitimè præscripta: potest enim processu temporis ciuimodi consuetudo in præscriptionem venire, teste Abbate intelligitur de consuetudine, quæ primū valebat, eo quod esset inducta ex aliqua causa iusta, & sine magno Ecclesiæ detimento: & postea incipit grauiter Ecclesiæ nocere. Vnde extirpanda est consuetudo, qua ruffici decimam fructuum partem soluere presbytero recusant, usi presbyter ipse prius iphis aliquid munus dederit, potest tamen, ut idem Abbas a se quatuor innocentium, *et quod sicut de elect. consuetudine induci, ut Ecclesia vacante, hoc est, ob sui pastoris obitum destituta, canonici pastorem non elegant, nisi Princeps certior ante factus fuerit de morte pastoris, & nisi eius peratur assensus ad alium pastorem eligendum:* quoniam hæc consuetudo non grauiter nocet Ecclesiæ, *& in e. cum terra, de elect. no. 4.* ait idem Abbas, hæc consuetudo non obedit libera electioni, & potest introduci: quia interest Principis, admoneat necne Canonicos, ut elegant dignum, & idoneum, vel ne elegant aliquem sibi inimicum, & consiliorum, & arcanorum proditorem, & ut Ecclesiæ tueatur, & seruer illæsam, & ut omnia in eligendo pastore rite, & legitimè fiant. Idem etiam tradit Archi. *in c. Reatina. d. 63.* & probat

ex eo. cap. Reatina, & c. principal. ca. literas. d. 63. tit. etiam Hostiensis.

Consuetudo, quæ canonicis institutis derogat, nullius debet esse momenti, *c. ad audienciam de consuetudine.* & consuetudo sacris Canonicis inimica corruptela in iure censetur, & seruanda non est, *c. Cum venerabilis, de consuetudine.* Item, consuetudo veritati, & legi contraria, & aduersa improbat, & rejicitur, *in c. Cum causa, de sententia, & Readi. ea. hoc locum habet in consuetudine, quæ non est legitimè præscripta, ut ait in eo capite Glossa.*

Cosuetudo item, quæ cum sanctorum Patrum decretis, & constitutionibus pugnat, damnatur ut prava, & absurdia. Vnde Archidiaconus vi consuetudinis, absque Episcopi auctoritate, curam animalium committere non potest, *cap. Cum fau. de officio Archidiaconi:* etiam hoc loci habet in ea consuetudine, quæ non est tempore præscripta. *Glossa ibidem.*

Consuetudo itidem, qua Clerici ad Beneficia eliguntur, sine Episcopi, aut eius Vicarij consensi, improbat, eo quod sit aliena à sanctorum Patrum institutus, & Ecclesiastice honestati contraria, *cap. Ex frequentibus, de Institutionib. Pari ratione,* hoc verum est, quum consuetudo non est præscripta. Abbas, *in eo capite: nam inferiores Episcopis, cuiusmodi sunt Abbates, prepositi, & alij dignitatem Ecclesiasticam habentes, iure præscriptionis possunt acquirere potestatem instituendi clericos in beneficijs.*

Præterea, Consuetudo, qua electio Episcopi ad laicos simul, & Canonicos pertinet, corruptela vocatur, & propterea irrita sit & inanis. *Mefiana Ecclesia, & in cap. Sacra consil. de Electione,* dicitur esse in detrimento Ecclesiastice libertatis: *Cum terra, de Electione,* statuitur electionem ex parte eligentium oportere esse liberam, & idcirco consuetudinem laicorum aliquos ad Beneficia eligentium Ecclesiastice libertati detrahentes, tanquam Ecclesiæ noxiā damnari ac tolli debere. *Ius eligenda pastores Ecclesiarum in laicos non cadit,* vnde cum huius iuris capaces non sint laici, nec iure præscriptionis, nec vi consuetudinis, nec ratione fundationis, nec auctoritate Episcopi acquirere possunt, nisi concessi, & præiuglio Romani Pontificis. Abbas & alij in cap. *Sacra consil. de electione, immo,* ut testatur Ioann. Andr. in cap. 2. de preben. in 6. ad hoc ius acquirendum, non fatis est, si laicus vna cum canonicis eligat consuetudine, cuius initium in memoria hominum non sit: At ius tamen nominandi, designandi, & offerendi clericos, & Antistites instituendos habet laicus ratione fundationis Ecclesiæ, quoniam licet hoc ius sit quoque spirituale, id tamen patronis Ecclesiarum iura canonica concederunt, ut docent Ioan. Andr. Abbas, & alij locis supra citatis. Item, teste eodem Abbatte electione per Canonicos facta potest esse consuetudine recompensum, ut de ea certior fiat princeps, vel patronus, ut recipiat, si aliquid, quod opponat, habet, non ut electionem confirmet, vel dissoluat, aut irritat faciat.

Consuetudo, quæ vis Ecclesiastice disciplina eneruatur irrita fieri debet, *cap. Cum inter, de consuetudine.* Hec quoque accipienda est cum ea conditione, nisi fuerit legitimè præscripta, vel ex

presso

preflo vel tacito Romani Pontificis consensu approbata.

Confuetudo, qua presbyter simplex ea praestat, quæ sunt ordinis Episcopalis, nec temeritate vacat, nec nullus est momenti. *cap. Quarto, de consuetudine*, vbi Abbas cum ceteris Canonici iuris doctribus censem, posse quidem presbyterum præscriptione sibi acquirere, quæ sunt dignitatis, & iurisdictionis Pontificis; non tamen quæ sunt ordinis, cuiusmodi sunt ea quæ in *cap. Quinto*, *dil. 65*, numerantur. Quorum sententia quibusdam videtur cum eo, quod in eo cap. referatur, pugnare, nam ibi dicitur: presbyters Constantinopolitanos sacramentum confirmationis ministrare consuefisse ijs, quos sacra Baptismatis vnde abliebant. Deinde, Abbates non solum ad primam Clericorum solutam, sed etiam ad quatuor minores ordines eligere, & promovere solet homines sibi subiectos: & tamen hæc duo non ad dignitatem, & iurisdictionem, sed ad ordinem spectant Episcopalem. **Multa item alia**, ut constat ex iure communii, ad Pontificium ordinem pertinent; quæ tamen presbyter potest sibi præscriptione, & possessione longi temporis acquirere. Accedit, quod, ut colligunt ex *cap. Auditio*, &c. *Can. 61 de præscriptione*. Abbates aliqua ex ijs, quæ continent ad iura Episcopalia præscriptione sibi adquirere queant. **Canonici** tamen iuris interpres communi contentu tradiderunt præscriptione acquirere posse presbyteros, quæ sunt dignitatis, vel iurisdictionis Episcopalis, non quæ ordinis. Sed verius quidam esse putant, quod alij Pontifici iuris doctores tradiderunt, tacito Romani Pontificis, vel Ecclesiæ consensu aliqua etiam ex ijs, quæ pertinent ad ordinem Episcopalem, posse presbyteros præscriptione, & possessione longi temporis acquirere: nam presbyteri Constantinopolitanri viu, & more racite in Ecclesia approbato sibi sumptuerunt, ut Baptismate initios confirmationis facramento munirent, sic teste Ambros. *Ephel. 4*, in Aegypto presbyteri confirmabant abentibus Episcopis, nec ab eo ille mos improbari. Ita etiam ut confit ex Greg. *lib. 3 epif. 26*, & *epif. 9*, eius permisso presbyteri in Sardinia abiente Episcopo confirmationis facrumentum ministrabant. Et hic mos approbatur etiam in concil. Arauifca. *1. canon. 1*, & *2. Tolet. canon. 20*, sub *Martino Bracarense Episcopo cano. 52*. & Abbates sibi acquisierunt ius, quo ad quatuor minores ordines possint aliquos promovere. Hoc autem id est, vim, & locum habere potest, quia licet sacramentorum ordinis, & Confirmationis ordinarius nullus sit Episcopus, potestare tamè commissa, & demandata a Romano Pontifice, presbyter potest esse minister, qui tametipræscribere nulla ratione potest, ut sit horum sacramentorum minister ordinarius: potest tamen præscribere, sciente id, & tolerante Romano Pontifice, vel Ecclesia, ut sit ex commissa, & delegata potestate minister. **Et hoc iuris præscripterunt** Abbates quatuor primis ordinibus conferendis, idem iuris præscribere potuerunt presbyteri Constantinopolitanam, in sacra Confimatione ministrandis, quos salutari Baptismate abliebant; quam tamen confuetudinem Innocentius Tertius in *cap. Quarto, supra citato abrogat*; quoniam Constanti-

tinopolis tunc temporis erat in latinorum potestate, & ditione. **Hæc illi.** Ceterum ego veram in hac parte, existimo communem omnium canonici iuris interpretum sententiam dicentium, presbyterum iure præscriptionis non posse acquirere, quæ sunt ordinis Pontificij, quia capaces non sunt, unde quæ possunt Abbates in quatuor minoribus ordinibus, et non habent ratione consuetudinis præscriptæ, sed ipsius iuris canonici permisso sive concessu, quod permittit, ut quatuor minores ordines conferant, non quidem ratione officij, quo funguntur, nec ratione ordinis, quem habent, sed commissa sibi, & demandata potestate à iure ipso, sicut Diaconus habet, ut possit ad populum concionem habere, non ratione ordinis, sed potestate sibi commissa à iure ipso. Pari ratione puto olim commissum fuisse presbyteris Constantinopolitanis, ut potestate, non quidem ordinaria, sed demandata tantum sacramentum confirmationis ministrarent ijs, quos sacra baptismatis vnde proliuebant: quod valet, dummodo Ecclesia permitat: secus non item.

Confuetudo, qua quis solet Dignitatem deponere sine superioris auctoritate, ut sacræ Canonibus inimica, & corruptela, & temeraria censetur, & ideo improbatur, *cap. Cum venerabilis, de confuetu, pugnat cum ijs, quæ statuta sunt, in cap. admonet, ca. quod in dubijs, cap. nisi de renunt.* Nec videtur hæc confuetudo iure præscriptionis excusari; quia hoc ius per præscriptionem acquiri nequit.

Confuetudo, qua potest electus Ecclesiam administrare, antequam electionem superiori confirmet, & temeraria, & corruptela vocatur: quia sacræ Canonibus aduersa, & irrita fit, *cap. Cum venerabilis, de confuetudine*. Aduersatur hæc confuetudo ijs, quæ habentur in *cap. qualiter de electi, & ca. vii, de renunt.* nec videtur iure præscriptionis excusari, nisi concessu, & priuilegio Rom. Pontificis, ut colligi videatur ex *Abbate Ioan. And. & aliis in ca. cum venerabilis, de confuetu, & ex Archid. in c. eum, qui, de preben. in sexto*.

Confuetudo, qua Canonorum Collegium absque Episcopi consensu statuta, vel confuetudines antiquas, aut approbatas mutar, aut nouas inducit, damnatur, *cap. Cum confuetudinis, de confuetudine*, quod & eodem modo accipi debet, nisi fuerit videlicet eiusmodi confuetudo præscripta.

Nulla confuetudine introduci potest, ut aliquis præter sui superioris consentium, Confessarium libi eligere queat qui eum posse solvere, vel ligare, *cap. Si Episcopus de Penitentijs*. Ea confuetudo, quia is, qui iudex non est, tentantiam pronunciat, nullam vim, & firmamentum habet, *cap. Ad audiendum, de confuetudine*. Vbi Abbas, & ceteri Canonici iuris interpres communi contentu docuerunt, nulla confuetudine induci posse, ut sententia ab eo, qui non est causa index, lata valeat: & tamen ibidem tradiderunt, posse aliquem confuetudinem iurisdictionem nancisci. Hæc tamè non sibi iniucem aduerterunt. nam confuetudo iurisdictionem aliquando dat, ut habeatur in *ca. Cum contingat deforo competent. & c. Irrefragabi. de officio ordinis, & l. & vii. c. de emancipa. & l. Viros. c. de dñer, offic. lib.*

offic. libr. 12. & Gloss. in cap. Cens comingat, de foro comp.
Quod ut plenius intelligamus scire oportet, contra substantiam, & naturam sententiae esse, ut feratur in eum, qui non est iudicis potestati subiectus, & proinde merito constituitur, ne firma sit, & rata sententia ab eo, qui index non est, pronunciata. Similiter quia sententia in foro conscientie, qua confessarius penitentem soluit, ac ligare, judicialis est, & a Christo Domino instituta, proinde merito decernitur nulla consuetudine introduci posse, ut quis priuatus suo iure, & auctoritate sibi confessarium eligat, qui eum soluat, aut liget: quoniam sicut est contra naturam sententiae (vti diximus) ut feratur ab eo, qui non est in causa iudex: sic est contra ius Diuinum, quo est sacramentum Penitentiae constitutum, ut is, qui non est confessarius, soluere possit, aut ligare. At verò consuetudine potest iurisdictione comparari, & acquiri: quoniam in ea adest tacitus superioris consensus, cuius est iurisdictionem committere, sicut etiam lege, vel statuto, vel voluntate principis imperari solet. Et hoc est, quod Pontificij iurisdictiones docuerunt, dicentes, posse aliquem iurisdictionem consuetudine adipisci. Et ita ante concilium Tridentinum, Presbyteri de more peccata sibi inuicem confitebantur, à quibus solebantur, vel ligabantur. Eodem modo, cum due civitates duobus Episcopis subiecta sibi inuicem sunt vicinæ, incolæ vniuersitatis, & more peccata Presbitero alterius Ecclesie praefecto contentur, à quibus soluantur, vel ligantur: id enim sit tacito Episcoporum, & parochorum consensus.

Consuetudo, qua quis in eadem Ecclesia habet plures Dignitates, vel personatus, etiam si curam animarum non habeant, omnino abrogatur, cap. De multa. de Prabendis: immo consuetudo, qua quis in eadem Ecclesia habet duos Personatus, Dignitates, Praeposituras, Administrationes, aut eorum alterum cum reliquo, hoc est, Dignitatem cum Personatu, Praepositura, Administratione, vel officio, corruptela censetur, vt potè facris Canonibus inimica; & ideo damnatur, cap. i. de consuetudine in 6. Sed dubia questionis est, an consuetudine induci queat, ut quis simul habeat plura Beneficia, hanc questionem tractat Abbas, in repeti, ad cap. exirpande, de prob. 5. qui vero num. 35. & multis rationibus concludit id consuetudine introducere non posse, citra legitimam superioris auctoritatem, qua ius ipsum relaxet, sive beneficia, inquit, habeant curam animarum, sive securi, sive requirant perpetuam beneficiarij in Ecclesia præfentiam, sive non: hoc est, etiam si Beneficia sint simplicia, dummodo tamen vnum illorum sufficiat ad clericum commodè sustentandum. At Innocent. in cap. ultim. de cleri. non res. & in cap. cum iam dudum, de prob. censet plura beneficia posse clericum simul habere iure communii. Sic Glossa, in cap. gratia, de rescript. in 6. idem etiam lentit Cardinali. in cap. cum iam dudum, de prob. & ideo iuxta horum sententiam, consuetudine induci potest, ut quis simul habeat plura beneficia simplicia: & ita docet exprefse Glossa. in cap. super eo. de prob. in 6. & in cap. dudum. de eis est, verbo viranque, ad finem. Ceterum, ut supra iam dixi, magis probo in hac parte Abbatis lententiam, id sola consuetu-

dine excusari non posse, quia consuetudo iuri naturali derogare non potest, & iuri naturali meo iudicio, est, ne quis habeat simul plura beneficia etiam simplicia, quando vnum eorum satis est ad eum commodè sustentandum. Solum fieri consuetudine potest, ut Episcopus tuto ius ipsum ex causa iusta relaxet, & vni der plura huiusmodi Beneficia simplicia. sicut etiam si vorum, & infundandum iure naturali, & diuino impleri debeant: causa tamen iusta, potest Episcopus aliquos soluere voti, & iurisurandi vinculo, quod non sit Romani Pontificis auctoritatem referendum. Hinc sit, ut si consuetudo, qua plura Beneficia simplicia possidentur ab aliquo, nota sit Episcopis, & ex causa iusta toleretur, excusari possit, secus non item. Quemadmodum etiam alicubi est more, & vnu receptum, ut quis habeat vnam Dignitatem cum Canonico in eodem testo, hoc est, in eadem Ecclesia, ut consuet in cap. Eam, de Rescriptis. Erat enim quidam Archidioconus, idem & Canonicus sub eodem testo, & ade sacra. Sicut etiam teste Abbatte coucil. 96. volumen secundo, rata, & firma erat ante Concilium Tridentinum, consuetudo, quæ alicubi vigebat, ut quis haberet duo Beneficia simplicia in eadem, aut diversis Ecclesijs; & tamen iure communii Canonico faneircum est, ne quis simul plura Beneficia possideat, quando vnum eorum sufficit ad congruentem clerici viatum, cap. Sandorum, distinction. 70. consuetudo ea erat nota, & tolerabatur.

Præterea, de multis ambigi potest, an more, & consuetudine præscripta iuliè fieri queant, immo, ut pars decima fructuum Ecclesijs non soluantur. Varia sunt opiniones, ut referunt Rochus in tracta, de consuet. folio parvo. 12. column. 3. & Couarru. libr. i. var. resolut. cap. 17. numer. 8. Sed breuijer dicendum, posse, præsertim vbi clerici, vel non petunt, vel non indigent, quia aliunde habent, vnde commodè sustententur. Item, an consuetudine Clerici possint testamentum facere de fructibus, & redditibus ex Beneficio acquisitus? Communis opinio doctorum, hanc consuetudinem damnat, ut testatur Couarru. de 15. amenu, cap. cum in officiis. numer. 9. sed non est, cur damnatur, ut ibi Couarruus ait. An possint consuetudo valere, ut res ad Collegium Canonicorum, vel aliorum quorumlibet pertinentes, non aliter definiantur, nisi ex concordi omnium suffragios? At possint excusari clerici vententes iuxta patrem, ciuitatis, vel populi morem pretiosum, vel alio, iure canonico interdicto vestiti? Possunt, ita Glossa, in cap. Si quis virorun diffinit. 30. & 21. quest. 4. in sementia. An qui sunt habiles ad matrimonium ineundum, possint iuxta patrem, vel provincie consuetudinem in habiles effici & responderebunter, cum Glossa, & Hoeven. & Abbate incep. quod super de consang. posse. Item, An qui iure Canonico sunt ad matrimonium contrahendum in habiles, possint vnu, vel more ac consuetudine fieri habiles, & idonei: Glossa, & Hoeven. & Abbas, loco citato, negant id posse introduci, nisi consuetudo auctoritatem Romani Pontificis expressè, vel tacite sit approbata. Couarru. de mar. parte secunda, cap. 6. f. 10. Item, An consuetudine introduci queat, ut Clerici beneficiari liberis sint & immu-

& immunes à lege, & constitutione horarias officiij divini preces recitandi; & ab omni præce pro residendi, & loco sui alium substituendi qui deseruit Ecclesiæ? Certe prima consuetudo in præscriptionem venire non potest, ut secunda potest, ut dicam alibi. Item, An consuetudine portio legitima debita filijs possit, vel ex parte minuti, vel etiam ex toto penitus auferri? An alimenta itidem consuetudine denegari possint, Ut restatur Rochus in tract. de conf. et inf. libro parvo. 45. colum. 3. & Couar uitias de matron. parte secunda, capitul. off. anno. 6. 6. num. 3. Communis opinio Doctorum habet, possit alij tamen sentiunt posse ex parte minuti, non ex toto adimi. Dicendum est posse id introduci, ut haber communis opinionem, sed id locum habet, quando subest causa iusta, & quando filii aliunde habent, vnde commode sufficiant queant, alimenta enim vita simpliciter necessaria denegari non possunt. Item, an possit consuetudine induci, ut viuæ promissa in iudicio petantur, & eas soluere si, qui promisit, cogatur, nec derat actio, ut soluta repetantur? Potest, quia hæc ius canonicum solum, non naturale, vel diuinum prohibet. De hac dicam infra. An etiam consuetudo valere possit, qua cuiuslibet priuato facultas libera concedatur occidendi, qui sunt publica auctoritate præscripti. An consuetudine clericus possit coram ciuili magistratu conueniri. An viuæ ciuiles iudices de causa aliqua spirituali, & Ecclesiastica sententiam ferre queant. De prima multi censem, ut constat ex Abbat. cap. 11. de conf. et inf. num. 3. eam iustam esse, quia potest res publica, vel Princeps confanguineos ministros constituer. Sed mihi non videatur omni ex parte iusta, quia præber materiam ira, odio, vindictæ, offensionis multorum; nam licet res publica pollici munistrum creare ad necem fontis, ut promiscue contanguineos ministros constituer, frequenter materiam suppeditat vindictæ, odio, ira, & aliorum peccatorum. De secunda, & tertia breuitate, eas consuetudines non valere, quia sunt contra libertatem, & immunitatem clericorum, & Ecclesiastarum, & generatim, ut ait Rochus de consuetudine, in folio parvo. 47. colum. prima, conclus. quinta, consuetudo contra libertatem, & immunitatem Ecclesiæ corruptela est, nisi priuilegio Romani Pontificis, aut iplus auctoritate expressa, vel tacita approbatur, tales sunt consuetudines, quibus Ecclesiæ, vel clericorum iura debita perfringuntur ex toto, vel minuuntur ex parte. Item, ex quibus Ecclesiæ, vel clericis onera imponuntur, & ex quibus laici sunt contra clericos audacie, vel clerici timidores, ut multis exemplis propositis, loco citato, Rochus confirmat. De ijs, & alijs id genus consuetudinibus, valeant nec ne, suis locis fuisus disperabo. In præsencia satis sit dixisse, consuetudinis vim, & auctoritatem non levem, & parvam esse, ut discitur in cap. Cum consuetudinis, de conf. et inf. unde multa iuris canonici decretâ consuetudo penitus abrogauit. Clerici ieunium inchoabant septem hebdomadis ante Pascha. cap. Statut. distinff. 4. & tamen in desuetudinem ab. Jr. Tribus Rogationum diebus proximis ante Ascensionem Dominicam erat vacatio operarum, & laborum. ca. Pronunciatum de conf. distinff. 4. & in eis ieunium colebatur. cap. Rogationes, de conf. distinff. 4. & tamen neutrum modò seruatur. Tota hebdomada Paschalis, & hebdomada præcedenti proximè ipsum Pascha ab opere seruili abstinebatur. ca. Pronunciatum de conf. distinff. 5. & tamen modò ij dies festi non habentur. Iufiurandum interponendum non erat nisi à ieuno homine. cap. Honestum 22. quest. 5. nec in iudicio exigebatur in diebus Quadragesimæ ieunij, aut Dominicis, aut in quibus Dominicus celebratur aduentus. cap. Decretr. 22. quest. 5. & tamen utrumque consuetudine aboleuit ex parte: item cap. Omnis, de conf. distinff. 2. Omnis vir ante facram communionem à propria vxore, continere se debebat tribus, aut quatuor, aut octo diebus. Nec inter Catholicos haberi, & consumerari merebatur, qui in Paschate, Pentecoste, & Natali Dominicano facrum Christi corpus non sumebat: nunc hæc consuetudine abrogata sunt. Olim sabbato, & sexta, ac quarta quaque feria hebdomadæ ieunium seruabatur, quod in desuetudinem abiit; retenta in sexta feria, & sabbato abstinentia, qua abstineamus à carnibus, cum in feria quarta carnibus vtanur.

Consuetudo, qua laici præbendas, quas vocant, & Beneficia Ecclesiastica conferunt, non solum corruptela est, ut potest sacris canonicis inimica, sed etiam quantocunque temporis cursu in præscriptionem venire non potest, quoniam ius conferendi Beneficia est spirituale, cuius laicus capax non est, nisi Rom. Pontif. concessu, & priuilegio. Sed obiectus multos Principes, & reges id iuris, & potestatis habere, nam Speculator in iur. de Præb. §. 2. verific. 7. scribit Imperatorem ius habere, ut in singulis Alemaniæ Ecclesijs, unum canonicum designet, & constituat. & Lambertinus in tract. de iure paro. libr. 1. quest. 11. testatur reges Neapolitanos habuisse ius nominandi Episcopos in quadraginta Ecclesijs primarijs, hoc est, cathedralibus. Bal. ait ad l. 7. c. de preci. inver. offeren. in rebus Angliaj, & Regis Hungariaj fuisse potestate conferendi Beneficia, Guymerius ad Pragm. Jan. 10. tit. Annal. verbo regala, scribit Regem Franciaj, ius habere conferendi Beneficia in quibusdam sibi Regni Ecclesijs, cum proper obitum pastorum sunt destituta, & vacant. Respondeo Reges, & Principes huiusmodi ius aliquando habuisse, habere, vel posse habere, Rom. Pont. concessu, & priuilegio, non autem consuetudinis vel præscriptionis iure, vel Episcoporum sola auctoritate: & ita Speculator, Bal. Lamber. & Guymer. non aiunt id iuris prædictos Reges, & Principes habuisse iure præscriptionis, vel consuetudinis, sed priuilegio Rom. Pont. vel saltem consuetudine nota, & tolerata, auctoritate Ro. Pont. in qua adest tacitus eius consensus.

Consuetudo, qua laici nominant, designant, & offerunt clericos Ecclesijs præficiendos, & non ratione fundationis, edificationis, vel dotationis Ecclesiastarum, sacris canonicis aduersatur, qui non concedunt laicis huiusmodi ius nisi patronis Ecclesiastarum, qui fundarunt, adfuerunt, vel dabant. Si obiectas, Archidiaconum in ca. lettu. d. 03. omnes reges in Ecclesijs suorum regnorū patronos esse, si sint Ecclesiæ Cathedrales, & tamē verisimile non est, eas fundasse, adficasse, vel dotasse: idem

quod